

直隸叙永廳志卷十

城池志

直隸叙永廳

明洪武五年指揮楊廣率宣撫奢祿肇築城二水合流城中故分東西二城東城爲叙永廳治周二里四分五釐計四百四十一丈高一丈八尺廣二丈城樓二水關一西城爲永寧治周三里七分有奇計六百六十六丈高一丈八尺廣二丈城樓五水關二東西二城共七門賓陽洪化

直隸叙永廳志

卷十

城池

觀瀾承恩聚寶武成康樂後吳逆叛兩次攻擊二城盡圯

國朝康熙四年分巡道楊應魁詳請捐修以川稅在西

故西爲川城乾隆三十二年同知朱孝純請帑

重修西城

舊志載乾隆三十六年永寧縣令范楠領帑重修

城西南依山東北傍水週圍五里六分零計共一千零五十六丈城身高二丈五尺共七門上東門蓬萊下東門永和太西門承恩小西門聚寶南門觀瀾上北門拱北下北門康樂城樓七

水關一城內河溝一由大西門外流入繞至下
北門水洞合河城外無濠東城稱爲貴城僅存
基址於遵批議覆事案內議准歸併川城無庸
修建